

T-12

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 24. sjednici, održanoj dana 11.10.2019. godine, d o n o s i

ZAKLJUČAK

I.

Daje se saglasnost na Program obilježavanja „Dječije nedjelje“ u Zeničko-dobojskom kantonu za 2019. godinu, koji čini sastavni dio ovog zaključka.

II.

Zadužuju se Ministarstvo za rad, socijalnu politiku i izbjeglice i nosioci aktivnosti iz Programa obilježavanja „Dječije nedjelje“ u Zeničko-dobojskom kantonu za 2019. godinu, da u skladu sa zakonom i podzakonskim aktima realizuju aktivnosti, svako u okviru svojih nadležnosti.

III.

Zaključak stupa na snagu danom donošenja.

Broj: 02-35-15401/19
Datum, 11.10.2019. godine.
Zenica

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Nosioci aktivnosti, putem ministarstva,
- 1x Web stranica Zeničko-dobojskog kantona,
- 1x a/a.



PREMIJER

Mirza Ganić

Na osnovu člana 135. i člana 151. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16) i Programa rada Vlade Zeničko-dobojskog kantona za 2019. godinu i Programa utroška sredstava planiranih Budžetom Zeničko-dobojskog kantona za 2019. godinu u Ministarstvu za rad, socijalnu politiku i izbjeglice, broj: 02-14-8204/19 od 14.05.2019. godine, a u skladu sa Pravilnikom za finansiranje i sufinansiranje projekata povodom obilježavanja „Dječije nedjelje“ u Zeničko-dobojskom kantonu u 2019. godini, broj: 09-14-12954-1/19 od 11.09.2019. godine, ministrica Ministarstva za rad, socijalnu politiku i izbjeglice, d o n o s i

PROGRAM **obilježavanja „Dječije nedjelje“ u Zeničko-dobojskom kantonu** **za 2019. godinu**

I. Uvodne napomene

Zakonom o osnovama socijalne zaštite, zaštite civilnih žrtava rata i zaštite porodice sa djecom, član 94. - 96. („Službene novine Federacije BiH“, broj: 36/99, 54/04, 39/06, 14/09 i 45/16) i članom 134. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16) prva sedmica u mjesecu oktobru je određena kao „Dječija nedjelja“ na teritoriji Federacije BiH.

Na osnovu člana 32. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), Ministarstvo za rad, socijalnu politiku i izbjeglice (u daljem tekstu: Ministarstvo) raspisalo je Javni poziv za finansiranje i sufinansiranje projekata povodom obilježavanja „Dječije nedjelje“ u Zeničko-dobojskom kantonu u 2019. godini.

Pravo na dodjelu sredstava imaju centri za socijalni rad, Općina Doboj Jug i Općina Usora, sa područja Zeničko-dobojskog kantona, za projekte iz Programa obilježavanja „Dječije nedjelje“ koji će se realizovati u saradnji sa lokalnim ustanovama socijalne i zdravstvene zaštite, obrazovanja, kulture, sporta, te udruženjima i drugim pravnim licima čije su programske aktivnosti i djelatnost usmjerene na unapređenje zaštite porodice i djece (u daljem tekstu: Korisnici).

Pravo na korištenje sredstava su mogli ostvariti Korisnici čiji su se prijedlozi projekata odnosili na: manifestacije i aktivnosti koje se odnose na promociju, edukaciju i unapređenje socijalne zaštite, obrazovanja, inkluzivnog obrazovanja, vaspitanja i zdravlja djece, kulture i sporta, kao i unapređenje položaja djece sa invaliditetom, unapređenje informisanosti djece i roditelja, edukaciju i zaštitu djece od zlostavljanja, zanemarivanja i zloupotrebe, zaštitu djece bez roditeljskog staranja, smanjenje nasilja među djecom i smanjenje siromaštva djece.

Nakon završenih procedura u skladu sa Pravilnikom za finansiranje i sufinansiranje projekata i Javnim pozivom, podržane su tri aplikacije projekata sa područja Zeničko-dobojskog kantona.

S obzirom da je Ministarstvo u kontinuitetu podržavalo obilježavanje centralne manifestacije povodom obilježavanja „Dječije nedjelje“ u prethodnom periodu, ministrica Ministarstva se opredjelila da i ove godine podrži Program centralne manifestacije za obilježavanje „Dječije nedjelje“ u saradnji sa Udruženjem „Medica“ Zenica i JU Centar za djecu i odrasle osobe s posebnim potrebama Zeničko-dobojskog kantona, koji imaju iskustvo u realizaciji navedene manifestacije.

U nastavku slijedi pregled programskih/projektnih aktivnosti koje će se provesti na području Zeničko-dobojskog kantona povodom obilježavanja „Dječije nedjelje“.

II. Obilježavanje „Dječije nedjelje“ po raspisanom Javnom pozivu

1. Projekat „Dječija prava“

Vrijeme: Oktobar 2019. godine
Nosilac aktivnosti: Općina Usora
Pokrovitelj: Ministarstvo
Odobrena sredstva: 3.000,00 KM

2. Projekat „Igralište za djecu sa teškoćama u razvoju“

Vrijeme: Oktobar 2019. godine
Nosilac aktivnosti: JU Centar za socijalni rad Breza
Pokrovitelj: Ministarstvo
Odobrena sredstva: 3.000,00 KM

3. Projekat „Nauči i djeluj“

Vrijeme: Oktobar 2019. godine
Nosilac aktivnosti: JU Centar za socijalni rad Maglaj
Pokrovitelj: Ministarstvo
Odobrena sredstva: 2.770,00 KM

III. Program obilježavanja centralne manifestacije „Dječije nedjelje“

Vrijeme: Oktobar 2019. godine
Nosilac aktivnosti: Udruženje „Medica“ Zenica u partnerstvu sa JU Centar za djecu i odrasle osobe s posebnim potrebama Zeničko-dobojskog karaktera
Pokrovitelj: Ministarstvo
Odobrena sredstva: 17.000,00 KM

IV. Završne odredbe

Program obilježavanja „Dječije nedjelje“ u Zeničko-dobojskom kantonu objavit će se na službenoj web stranici Zeničko-dobojskog kantona (www.zdk.ba).

Broj: 09-14-12954-6/19
Zenica: 02.10.2019.godine

